

ספר שמואל ב'

פרק ט'

שם הידען: _____

1. הקף את המילים שהם 'פעולה'. 2. מתח קו מתחת למילים שהם 'אמירות'.

(א) ויאמר דוד הכי יש עוד אשר נותר לבית שאול ואעשה עמו חסד בעבור יהונתן: (ב) ולבית שאול עבד ושמו ציבא ויקראו לו אל דוד ויאמר המלך אליו האתה ציבא ויאמר עבדך: (ג) ויאמר המלך האפס עוד איש לבית שאול ואעשה עמו חסד אלהים ויאמר ציבא אל המלך עוד בן ליהונתן נכה רגלים: (ד) ויאמר לו המלך איפה הוא ויאמר ציבא אל המלך הנה הוא בית מכיר בן עמיאל בלו דבר: (ה) וישלח המלך דוד ויקחהו מבית מכיר בן עמיאל מלו דבר: (ו) ויבא מפּיבֹשֶׁת בן יהונתן בן שאול אל דוד ויפל על פניו וישתחו ויאמר דוד מפּיבֹשֶׁת ויאמר הנה עבדך: (ז) ויאמר לו דוד אל תירא כי עשה אעשה עמך חסד בעבור יהונתן אביך והשבתי לך את כל שדה שאול אביך ואתה תאכל לחם על שלחני תמיד: (ח) וישתחו ויאמר מה עבדך כי פנית אל הכלב המת אשר כמוני: (ט) ויקרא המלך אל ציבא נער שאול ויאמר אליו כל אשר הנה לשאול ולכל ביתו נתתי לבן אדניך: (י) ועבדת לו את האדמה אתה ובניך ועבדיך והבאת והיה לבן אדניך לחם ואכלו ומפּיבֹשֶׁת בן אדניך יאכל תמיד לחם על שלחני ולציבא חמשה עשר בנים ועשרים עבדים: (יא) ויאמר ציבא אל המלך ככל אשר יצוה אדני המלך את עבדו בן יעשה עבדך ומפּיבֹשֶׁת אכל על שלחני כאחד מבני המלך: (יב) ולמפּיבֹשֶׁת בן קטן ושמו מיכא וכל מושב בית ציבא עבדים למפּיבֹשֶׁת: (יג) ומפּיבֹשֶׁת ישב בירושלם כי על שלחן המלך תמיד הוא אכל והוא פסח שתי רגליו: